




羊城古鈔

三

ル 5
1519
3



1519  
3



羊城古鈔卷四

順德仇池石秦山氏輯

沿革

唐

堯帝

南交

按堯典曰申命  
義叔宅南交曰  
明都屬揚州南  
境

虞

舜帝

南交

按舜典肇十有  
二州揚州如舊

夏

禹

南海

按禹貢導黑水  
至于三危入于

南海又淮海惟揚州海南海也

商

湯 南越 始定南越獻令

周

武王 三十有南海 按通歷王既滅殷乃正九服徹法以南海地在東南揚州之裔定為藩服乃經土地而井牧其田野以

成王 四十有東越 按汲冢周書云成王定四方貢

人獻東越蚌蛤甌

越甌人皆交州屬

夔王 八年揚粵 楚熊伐揚粵時事楚有楚庭郢

城也 令之郡

宣王 二年南海 按詩經王命召公虎平淮至于

于南海 疆于理至

惠王 六年南海 楚成王惲郎位布德施惠使人

獻于天子天子賜昨曰鎮爾南

方彘越之亂母

侵中國于是楚

地千里南

海臣服焉

按史記越王無

疆伐楚楚威王

顯王 三十有百粵

按史記越王無

興兵伐之大敗  
越殺王無疆盡  
取故吳地至浙  
江而越之族遂  
散處江南海  
上謂之百粵

秦

始皇

南越

南海郡

按史記秦始皇  
二十五年遣將  
王翦南征百粵  
悉定其地二十  
九年越人叛秦  
始皇使尉屠睢  
將樓船之士攻  
百粵使監祿鑿  
渠運糧入越地  
又發卒五十萬  
分五軍一軍塞  
鐔城之嶺一軍

秦并天下  
分爲三十二  
六郡至二十  
百粵始置  
南海郡以  
屠睢爲尉  
史祿爲監  
領縣六  
首番禺

二世元年南越國

番禺縣

守九疑之塞一  
軍處番禺之都  
一軍守南野之  
路一軍結餘干  
之水三年不解  
甲弛弩會食盡  
越人擊之三十  
二年秦師敗績  
殺屠睢伏屍  
血流數十里  
先是屠睢之敗  
始皇復遣任囂  
趙佗擊南越平  
之佗以囂爲南海  
尉佗爲龍川令  
至是囂病革召  
佗語之曰秦無  
道天下皆叛亦  
州之主也即被

事侏書行南海尉  
自立為  
南越王  
都番禺

漢

高祖元年南國

是時趙佗擊并  
桂林象郡改南  
番禺縣

海為南武自立  
為南武王至十

一年高祖遣陸  
賈至粵封佗為

南越王

武帝元鼎南郡

其地為九郡屬  
交趾部刺史省

城時為南海郡  
番禺縣

縣地

獻帝建安交州

太守士燮請改  
交趾為交州從  
南海郡

十有廣州

按交廣春秋漢  
初交趾刺史治  
南海郡

贏樓元封五年  
移治廣信至是

始徙自南海以  
其徙自廣信因

改交州為廣州

此廣州之始也

時復禹貢九州  
故并廣屬荆然

是時廣州實為  
吳孫權所據

南海郡

後主建興

吳黃武交州

南海郡

吳黃武交州

吳復置交州

南海郡

建興二年  
吳黃武三年

廣州

因呂岱言交趾治遠乃分合浦趾以北為廣州交趾以南為交州

南海郡

晉

成帝

咸和元年廣州

南海郡

分南海立東官郡治

宋

高祖

永初元年

南海郡

析番禺縣置熙安懷

屬南海郡

今新會縣而省會仍

分南海立新會郡

寶安即今東莞縣

梁

武帝

天監五年

廣州

分廣州置桂林即今廣西桂林府也廣分東西實始于此置廣州都督府治高要陳仍梁制

南海郡

析番禺縣置南海縣

化二縣齊沿宋制

隋

文帝

開皇九年

廣州

置廣州總管府治大庚二十年廣州總管移治南海

南海縣

改郡為縣屬之廣州

總管府又省番禺入南海

仁壽元年

番禺州

避太子諱也

煬帝 大業元年 番禺州

南海郡 改復南海郡

唐

高祖 武德四年 廣州 廢南海郡入廣州領縣十一 南海縣 尋復析置番禺

太宗 正觀元年 嶺南 置嶺南道時分天下為十道以 廣州郡 時以廣州為郡

元宗 天寶元年 嶺南 置嶺南五府經畧使治廣州改嶺南道為之 南海郡 改廣州為南海郡

肅宗 至德元年 嶺南 置節度使時陞嶺南五府經畧使為嶺南節度使領二十二州 廣州郡 復以南海郡為廣州

懿宗 咸通元年 嶺南東道 節度使 廣州郡

僖宗 乾寧二年 清海軍 時陞嶺南東道節度使為清海軍節度使 廣州郡

梁

末帝 貞明三年 南漢 劉巖竊據稱帝改元乾亨元年 興王府 以廣州為興王府分

宋 晉漢周皆為南漢國 時稱南漢歷唐 南海地置咸寧常康二縣以擬長安

太祖開寶五年廣南

廣州

太祖遣潘美平南漢改興王府仍為廣州併咸寧常康仍為南海尋併番禺入南海皇祐三年復析置之會城東為番禺縣地西為南海縣地自此二縣不復併析後不贅錄

徽宗

宣和二年廣南東路

廣州

高宗

紹興六年廣東設廣東經畧安撫使

廣州

孝宗

乾道六年廣東路

廣州

帝昺

祥興元年廣東路

翔龍府

即位時黃龍見海中因陞廣州為翔龍府

元

世祖

至元十七年廣東道置廣東道宣慰廉訪二司皆隸江西行中書省

廣州路

改翔龍府為廣州路

三十年廣東道

上路總管府

仁宗

皇慶元年廣東道

廣州路

改復上路總管府為廣州路

明

太祖

洪武元年廣東省置行省參政及嶺南道嶺

廣州府

改路為府後悉沿之



西道嶺東道海  
北道海南道省

不再  
錄

會屬嶺  
南道

孝宗

宏治  
三年

廣東省

設布政使司

國朝順治三年定廣東與民休息府縣皆因舊制  
按史稱顛頊之地南極交趾今之省會本古南  
交固已早八帝籍姑始唐堯者引經為據耳南  
海以水得名番禺以山得名其中為東越為揚  
粵為南越為嶺南為南漢為廣南為廣東稱謂  
攸殊而為郡為州為道為軍為府為路為節度  
為行省為布政除官亦異要皆隨時嬗易按代

可稽其曰五嶺曰嶺表曰嶺海曰甌越曰越裳  
曰蠻越曰勾越曰於越曰大越曰荆越則沿革  
之外又有可紀者史記張耳傳云南有五嶺之  
戍五嶺之名本此嶺表則五嶺之表而嶺海則  
又合五嶺南海而名之也甌越見王勃滕王閣  
序控蠻荆而引甌越越裳在象郡界外越裳者  
越之裳也越諸上郡為衣諸下郡為裳而省會  
則越之領也古言疆域皆曰服越為荒服漢文  
帝賜尉佗書曰服領以南王自治之史記領南  
沙北劉安云其入中國必下領水漢書嶺亦作

領領者衣領也五嶺之于荒服猶衣之領邊海之地則其裳也越而稱揚何也元命苞云牽牛流爲揚分爲越國故越號揚越謂揚州之末土揚之越也爾雅曰越揚也註謂發揚也太康地紀云以揚州漸太陽位天氣奮揚履正合文故取名焉越又曰蠻風俗通云蠻慢也其人性慢故又曰蠻越也曰勾越者淮南子云吳人語不正言吳而加以勾也勾卮俗之發聲也顏師古云吳與越音聲多同太伯自號勾吳故越亦曰勾越也春秋書於越於亦勾也勾踐名踐勾亦

發語聲也曰大越者勾踐自稱其國也曰於越者始夏少康時曰揚越者始周武王時曰荆越者以在蠻荆之南與長沙接壤又當周惠王時歸附于楚也若蠻揚則始于湯也曰南越者吳王夫差滅越築南越宮故佗因其舊名稱番禺爲南越也 又曰南交者粵也陶唐之南裔也故舉南交而可以槩粵矣然史稱周武王巡狩陳詩南海又詩曰于疆于理至于南海則舉南海又可以槩粵矣漢稱粵爲交州蓋本於唐秦分粵地爲南海郡蓋本於周然揚雄交州箴有

曰南海之宇聖武是恢又曰交州荒裔水與天際則舉交州而南海在其中矣舉交州亦可以槩粵矣其稱曰交趾交州之趾也粵趾于中原而交趾趾于粵也自高陽時已砥屬而堯名為南交故論地名以南交為古論事以宅南交為古

事紀

南越趙氏始末

南越王尉佗者正義曰都廣州南海縣按是時尙未有廣州之名蓋南海郡番禺縣也真定人也姓趙氏秦時已并天下畧定揚越置

桂林南海象郡

索隱曰秦本紀始皇二十五年遣王剪南征百粵畧定陸梁地以為

南海桂林象郡二十六年以屠睢為南海郡尉史祿為南海郡丞二十九年南越叛秦使屠睢發卒五十萬分為五軍一軍塞罽城之嶺一軍守九疑之塞一軍處番禺之都一軍守南野之路一軍結餘干之水三年不解甲弛弩與越人戰秦師敗績殺屠睢伏屍流血數十里三十三年復遣任囂趙佗定南越以囂為南越王以謫徙民秦紀謫徙民五世元年又以女無夫家十三歲至二世元年十三年者萬五千人予南越

年佗秦時為南海龍川令即今惠州龍川縣至二世時南

海尉任囂病且死召龍川令趙佗語曰聞陳勝等

作亂秦為無道天下苦之項羽劉季陳勝吳廣等

州郡各共興軍聚眾虎爭天下中國擾亂未知所

安豪傑畔秦相立南海僻遠吾恐盜兵侵地至此

吾欲興兵絕新道索隱曰案蘇林云秦所通越新路自備待諸侯

變會病甚且番禺負山險阻南海東西數千里頗

有中國人相輔此亦一州之主也可以立國郡中

長吏無足與言者故召公告之即被佗書行南海

尉事服虔云囂詐詔書使為南海尉囂死佗即移檄告橫浦陽山

湟谿關曰盜兵且至急絕道聚兵自守因稍以法

誅秦所至長吏以其黨為假守索隱曰案謂佗立其所黨為郡縣之

職或假秦已破滅佗即擊并桂林象郡自立為南

越武王韋昭曰生以武為號不稽於古史○孚遠曰項羽自稱霸王黥布稱武王亦其意也

高帝已定天下為中國勞苦故釋佗弗誅漢十一

年遣陸賈因立佗為南越王與剖符通使和集百

粵毋為南邊患害與長沙接境高后時有司請禁

南越關市鐵器佗曰高帝立我通使物今高后聽

讒臣別異蠻夷隔絕器物此必長沙王計也欲倚

中國擊滅南越而并王之自為功也於是佗乃自

尊號為南越武帝發兵攻長沙邊邑敗數縣而去

焉高后遣將軍隆慮侯竈往擊之索隱曰韋昭會云竈姓周

暑涇士卒大疫兵不能踰嶺索隱曰案即陽山嶺也歲餘高

后崩即罷兵佗因此以兵威邊財物賂遺閩越西

甌駱役屬焉漢書音義曰駱越也○索隱曰姚氏案廣州記云交趾有駱田仰潮水上

下人食其田名為駱侯諸縣自名為駱將銅邱青

授即今之令後蜀王子將兵討駱侯自稱為安陽

王治封溪縣後南越王尉佗攻破安陽王東西萬

餘里廼乘黃屋左纛稱制與中國侔及孝文帝元

年初鎮撫天下使告諸侯四夷從代來即位意案漢書文帝始封藩于代喻盛德焉乃為佗親冢在真定置守邑

歲時奉祀召其從昆弟尊官厚賜寵之詔丞相陳

平等舉可使南越者平言好時陸賈先帝時習使

南越廼召賈以為大中大夫往使因讓佗自立為

帝曾無一介之使報者陸賈至南越王甚恐為書

謝稱曰蠻夷大長老夫臣佗前日高后隔異南越

竊疑長沙王讒臣又遙聞高后盡誅佗宗族掘燒

先人冢以故自弃犯長沙邊境且南方卑溼蠻夷

中間其東閩越千人眾號稱王其西甌駱裸國亦

稱王老臣妄竊帝號聊以自娛豈敢以聞天王哉

乃頓首謝願長為藩臣奉貢職於是乃下令國中

曰吾聞兩雄不俱立兩賢不並世皇帝賢天子也自今以後去帝制黃屋左纛陸賈還報孝文帝大

悅遂至孝景時稱臣使入朝請然南越其居國竊如故號名其使天子稱王朝命如諸侯至建元四

年卒佗孫胡為南越王

皇甫謐曰越王趙佗以建元四年卒兩時漢興七十

年佗益百歲矣

此時閩越王郢與兵擊南越邊邑胡使人

上書曰兩越俱為藩臣毋得擅興兵相攻擊今閩

越興兵侵臣臣不敢興兵唯天子詔之於是天子

多南越義守職約為興師遣兩將軍往討閩越索隱

曰兩將軍王恢韓安國也兵未踰嶺閩越王弟餘善殺郢以降

於是罷兵天子使莊助往諭意南越王胡頓首曰

天子乃為臣興兵討閩越死無以報德遣太子嬰

齊入宿衛謂助曰國新被寇使者行矣胡方日夜

裝入見天子助去後其大臣諫胡曰漢興兵誅郢

亦行以驚動南越且先王昔言事天子期無失禮

要之不可以說好語入見

索隱曰漢書佗作休入

見則不得復歸亡國之勢也於是胡稱病竟不入

見後十餘歲胡實病甚太子嬰齊請歸胡薨諡為

文王嬰齊代立即藏其先武帝璽

索隱曰李邵云藏其僭號之璽

也嬰齊其入宿衛在長安時取邯鄲穆氏女生子

興徐廣曰一作典○索隱曰及卽位上書請立穆

氏女爲后興爲嗣漢數使使者風諭嬰齊嬰齊尙

樂擅殺生自恣懼入見要用漢法比內諸侯固稱

病遂不入見遣子次公入宿衛嬰齊薨諡爲明王

太子興代立其母爲太后太后自未爲嬰齊姬時

嘗與霸陵人安國少季通索隱曰安國姓及嬰齊

薨後元鼎四年漢使安國少季往諭王王太后以

入朝比內諸侯令辯士諫大夫終軍等宣其辭勇

士魏臣等輔其缺徐廣曰衛尉路博德將兵屯桂

陽待使者王年少太后中國人也嘗與安國少季

通其使復私焉國人頗知之多不附太后太后恐

亂起亦欲倚漢威數勸王及羣臣求內屬卽因使

者上書請比內諸侯三歲一朝除邊關於是天子

許之賜其丞相呂嘉銀印及內史中尉太傅印餘

得自置除其故黥劓刑用漢法比內諸侯使者暫

留鎮撫之王王太后飭治行裝重齎爲入朝具其

相呂嘉年長矣相二王宗族官仕爲長吏者七十

餘人男盡尙王女女盡嫁王子兄弟宗室及蒼梧

秦王有連索隱曰案蒼梧秦王卽下趙光是有

其居國中甚重趙人信之多爲耳目者得衆心愈

於王王之上書數諫止王王弗聽有畔心數稱病  
 不見漢使者使者皆注意嘉勢未能誅王王太后  
 亦恐嘉等先事發乃置酒介漢使者索隱曰志  
因也欲因使者謀誅嘉等使者皆東鄉太后南鄉  
權誅呂嘉也王北鄉相嘉大臣皆西鄉侍坐飲嘉弟為將將卒  
 居宮外酒行太后謂嘉曰南越內屬國之利也而  
 相君苦不使者何也以激怒使者使者狐疑相杖  
 遂莫敢發嘉見耳目非是即起而出太后怒欲縱  
 嘉以矛韋昭曰縱撞也○索隱曰吳王止太后嘉  
 遂出分其弟兵就舍稱病不肯見王及使者乃陰

與大臣作亂王素無意誅嘉嘉知之以故數月不  
 發太后有淫行國人不附欲獨誅嘉等力又不能  
 天子聞嘉不聽王王太后弱孤不能制使者怯無  
 決又以為王王太后已附漢獨呂嘉為亂不足以  
 興兵欲使莊參以二千人往使參曰以好往數人  
 足矣以武往二千人無足以為也辭不可天子罷  
 參也子龍曰越雖有釁可乘然口語既洩邾壯士  
去漢又遠往必有變參可謂知兵矣邾壯士  
徐廣曰邾縣屬潁川故濟北相韓千秋奮曰以區區之越又  
 有王太后應獨相呂嘉為害願得勇士二百人必  
 斬嘉以報於是天子遣千秋與王太后弟膠樂將



二千人往入越境呂嘉等乃遂反下令國中曰王年少太后中國人也又與使者亂專欲內屬盡持先王寶器入獻天子以自媚多從人行至長安虜賣以為僮僕取自脫一時之利無顧趙氏社稷為萬世慮計之意乃與其弟將卒攻殺王太后及漢使者遣人告蒼梧秦王及其諸郡縣立明王長男越妻子術陽侯建德為王楊慎曰越妻乃越女非漢女也徐廣曰元鼎四年以南越王兄越封高昌侯非而韓千秋兵入破數小邑其後越直開道給食未至番禺四十里越以兵擊千秋等遂滅之使人函封漢使者節置塞上索隱曰案南康記以為大

庾嶺名塞上也

好為謾辭謝罪發兵守要害處於是天子

曰韓千秋雖無成功亦軍鋒之冠封其子延年為

成安侯膠樂其姊為王太后首願屬漢封其子廣

德為龍亢侯乃下赦曰天子微諸侯力政譏臣不

討賊今呂嘉建德等反自立晏如令罪人及江淮

以南樓船十萬師應劭曰時欲擊越非水不至故作大船船上施樓故號曰樓船

也往討之元鼎五年秋衛尉路博德為伏波將軍

出桂陽下滙水索隱曰劉氏云滙當作湟漢書云下滙水也主爵都尉

楊僕為樓船將軍出豫章下橫浦故歸義越侯二

人張晏曰故越人為為戈船下厲將軍張晏曰越人於水中負人船又

羊城古錄 卷四  
有蛟龍之害故置戈於船下因出零陵或下灘水  
以為名也徐廣曰厲一作瀨  
或抵蒼梧使馳義侯徐廣曰越人也名遺因巴蜀罪人發夜  
郎兵下牂牁江咸會番禺元鼎六年冬樓船將軍  
精卒先陷尋陝破石門得越船粟因推而前挫越  
鋒以數萬人待伏波伏波將軍將罪人道遠會其  
後與樓船會乃有千餘人遂俱進樓船居前至番  
禺建德嘉皆守城樓船自擇便處居東南面伏波  
居西北面會暮樓船攻敗越人縱火燒城越素聞  
伏波名日暮不知其兵多少伏波乃為營遣使者  
招降者賜印復縱令相招樓船力攻燒敵反驅而

### 士燮附吳

士燮字威彥廣信人

按廣東通志廣信即今封川蒼梧兩縣建安初

按漢書建安獻帝年號

為交趾太守

按通志廣州府表漢屬交趾部刺史中國

士人往依者百數陳國袁徽與尚書令荀彧書曰  
交趾士府君處大亂之中保全一郡二十餘年疆  
場無事民不失業羈旅之徒皆蒙其慶雖竇融保  
河西曷以加之官事小闕輒玩習書傳春秋左氏  
傳簡練精微皆有師說其稱之若此燮兄弟竝為  
列郡雄長一州偏在萬里百蠻震服會交州刺史  
張津死按漢書建安八年改交趾部刺史為交州牧漢賜璽書以燮為

綏南中郎將董督七郡是時天下喪亂道路斷絕而燮不廢貢職復下詔拜安遠將軍封龍度亭侯建安十五年孫權遣步騭爲交州刺史騭至燮率兄弟奉承節度權加燮左將軍建安末年燮遣子廡入質又誘導益州豪雍闓等東附權益嘉之遷衛將軍封龍編侯論者謂燮不能始終於漢權乃國賊與昭烈力爭交州而燮兄弟乃助權爲逆豈誠識春秋之義也者燮卒而其子徽乃據交州爲呂岱所破惜乎見之晚矣後主建興十三年有廖式者起兵蒼梧以應諸葛丞相諸郡應之此真漢

之義士也燮視之能無愧於心乎哉葉春及云一統志蒼梧縣卽漢廣信蒼梧郡治此故陳元父子載於蒼梧而肇慶舊誌謂封川西一里爲廣信縣雖非治所固彼提封陳氏之隸封川未可知也燮亦廣信人身本名儒兄弟四人擁兵據郡嶺海歸心中原喪亂孫權劉表皆窺南土燮於此時以甲兵之力循趙佗之迹西連蜀漢庶幾比美桓文哉奉權節度復誘益州附之謬矣豈度已審勢耶然燮名雖不終亦可謂一時之豪傑也當是時又有揭陽吳碣者碣漢末爲安成長權使呂岱取長沙

三城古錄 卷四  
郡碣據縣以拒之曰碣受天子命爲長知有漢而不知有吳也又蒼梧衡毅與同郡錢博皆爲郡太守吳巨所信用建安末權以步騭爲交州刺史騭至使人諭巨巨納騭而後圖之騭知巨以詐斬巨首以徇遂治船兵二萬下取南海毅博念巨部曲舊恩且騭之來非漢命也乃與兵逆騭於高要嶮口與戰三日旣潰敗毅與衆皆投水死死若千餘人無一生降嗟夫碣與毅博又皆漢之忠烈臣也以列於季漢書內傳豈曰非宜

### 六朝廣州雜亂

晉懷帝永嘉六年壬申叛民迎王機據廣州愍帝建興三年乙亥秋七月徙陶侃爲廣州刺史八月廣州刺史陶侃討王機平之

晉書

安帝元興三年甲辰冬十月海賊盧循攻陷廣州自攝州事按循浮海寇廣州攻番禺廣州刺史吳隱之率將士固守爲所敗長子曠之戰沒循攻城百餘日遂陷隱之欲奔還都爲循所得循自攝州事號平南將軍時朝廷新定未暇征討以循爲廣州明年循遣隱之歸

遣使貢獻因遺劉裕益智粽裕報以續命湯  
 義熙二年丙午春三月以劉裕督廣交二州  
 軍事討盧循六年庚戌秋八月劉裕遣將軍  
 孫處沈田子自海道襲廣州冬十一月拔之  
 盧循還番禺七年辛亥春二月盧循圍廣州  
 不克夏四月沈田子破之循襲合浦交州刺  
 史杜慧度誅循 晉書  
 十三年丁巳秋七月南海妖賊徐道期攻廣  
 州始興相劉謙之討平之以謙之為振威將  
 軍廣州刺史 晉書

宋文帝元嘉三十年癸巳秋七月元凶劭黨蕭簡  
 據廣州九月南海太守鄧琬始興太守沈法  
 系等討平之 宋書

明帝泰始四年戊申春三月妖賊劉思道攻廣  
 州龍驤將軍陳伯紹平之 宋書

梁武帝天監十六年丁酉廣州流人王正秀叅軍  
 杜景謀襲州城長史蕭昂討斬之 梁書

大同元年乙卯夏六月俚帥陳文徹犯廣州  
 冬十一月都督蘭欽破擒之 梁書

八年壬戌冬豪渠盧子畧等反攻廣州叅軍

陳霸先討平之以霸先爲西江督護高要太守

梁書

太清二年戊辰廣州刺史元景仲反三年己巳秋七月高要太守陳霸先討元景仲誅之迎定州刺史蕭勃爲刺史

按霸先集義兵於南海馳檄以討景仲曰朝廷以景仲與賊合從謀危社稷今遣曲江公勃爲刺史鎮撫此州軍已頓朝廷矣景仲所部聞之皆弃景仲而散景仲窮蹙縊於閣下霸先迎勃鎮廣州勃梁宗室也

梁書

陳武帝永定元年丁丑春二月梁廣州刺史蕭勃同衡州刺史歐陽頎舉兵討陳陳遣平西將軍周文育帥諸軍擊之勃敗死頎降夏四月梁蕭勃記室李寶藏奉懷安侯蕭任據廣州反陳遣頎討平之

按高祖遣頎討定餘寇未至嶺南頎子紇已克始興及頎旣至嶺南諸郡皆懾伏請降廣州悉平四年癸未春二月加刺史歐陽頎爲征南大將軍秋九月頎卒以其子

紇爲廣州刺史

陳書

宣帝大建元年己丑春正月徵歐陽紇爲左衛

將軍冬十月紇據廣州反遣車騎將軍章昭

達討之二年二月昭達擒紇送建康伏誅廣

州平

陳書

後主正明三年己酉春正月衡州刺史王勇襲

廣州高涼郡夫人冼氏以兵迎隋將韋洸爲

廣州總管

陳書

隋文帝開皇九年己酉春卽陳正明三年是年平

陳冬十月番禺俚帥王仲宣反圍廣州隋總

管韋洸死之十年庚戌春二月行軍副總管

慕容三藏大破王仲宣兵廣州圍解遣給事

黃門侍郎裴矩巡撫嶺南矩及大將軍鹿愿

會馮盎兵討王仲宣平之論平廣州功拜馮

盎爲高州刺史盎僕之子寶之孫也追贈馮

寶爲廣州總管譙國公册冼氏爲譙國夫人

隋書

煬帝大業十二年丙子冬十二月南海人鄧文

進據南海郡梁主蕭銑畧地至番禺文進以

州附至唐高祖武德四年辛丑冬十月撫慰

唐宣宗大中十二年戊寅夏四月嶺南軍亂逐其  
節度使楊發詔以李承勳爲節度使討平之  
僖宗乾符六年己亥夏五月黃巢陷廣州嶺南  
東道節度使李迢死之  
初巢因亂軍逐節度使上表求爲嶺南節度  
使朝議以爲廣州市舶寶貨所聚豈可令賊  
得之宰相于琮請除巢率府從之巢得告身  
大怒趣廣南攻廣州陷之是時李迢爲嶺南  
東道節度使執使草表迢曰子世受國恩腕  
長史通鑑

### 黃巢陷城

唐宣宗大中十二年戊寅夏四月嶺南軍亂逐其  
節度使楊發詔以李承勳爲節度使討平之  
僖宗乾符六年己亥夏五月黃巢陷廣州嶺南  
東道節度使李迢死之  
初巢因亂軍逐節度使上表求爲嶺南節度  
使朝議以爲廣州市舶寶貨所聚豈可令賊  
得之宰相于琮請除巢率府從之巢得告身  
大怒趣廣南攻廣州陷之是時李迢爲嶺南  
東道節度使執使草表迢曰子世受國恩腕



可斷表不可草遂殺之至中和四年尙讓敗  
巢於瑕邨而巢伏誅

唐書

南漢劉氏始末

唐僖宗中和三年癸卯夏六月以廣州牙將劉謙  
爲封州刺史

按通鑑丞相韋宙出鎮南海有小將劉謙  
氣宇殊異宙以從女妻之曰此人非常流  
也他日吾子孫或可依之謙擊羣盜屢有  
功拜封州刺史生三子曰隱曰台曰巖此  
南漢之始也

昭宗乾寧元年甲寅十二月封州刺史劉謙卒  
以其子隱爲封州刺史

按通鑑封州刺史劉謙卒嶺南節度使劉崇龜表其子隱爲封州刺史

二年乙卯春三月陞嶺南東路節度使爲清海軍節度使秋九月劉崇龜卒以徐彥若爲清海軍節度使

三年丙辰冬十月以劉隱爲清海行軍司馬天復元年辛酉冬十二月徐彥若卒遣表節度副使劉隱權留後

景宗天祐元年甲子冬十二月以劉隱爲清海軍節度使

二年乙丑夏五月加劉隱檢校太尉兼侍中封大彭王

按冊府元龜隱進奇寶名藥品數甚多朱溫喜之

梁太祖開平二年戊辰以劉隱兼靜海軍節度使安南都護

三年己巳夏四月進封劉隱南平王按五代史加檢校太師兼中書令

乾化元年辛未春三月劉隱卒弟巖嗣二年壬申春正月以劉巖爲清海軍節度使

三城古金 卷四  
檢校太保同平章事

夏四月劉巖遣使貢獻於梁梁使韋堅報之

按冊府元龜廣州獻金銀犀角象牙雜寶  
貨及名香等合估數十萬是月客省引進  
使韋堅使廣州及還以銀茶上獻其估凡  
五百餘萬明年梁遂加巖檢校太傅

三年癸酉秋七月梁封劉巖爲南海王

海一作平

劉巖擊取高州唐刺史劉昌魯死之

按五代史巖悉平諸寨殺昌魯等更置刺  
史

劉巖始與梁絕

按通鑑巖以吳越王錢鏐爲國王而已獨  
爲南海王表求封南越不許由是貢使遂  
絕

劉巖擊取容管及潮韶二州

按五代史時桂州劉士正邕州葉廣畧容  
州龐巨昭交州曲顥分據諸管巖大出兵  
攻敗盧氏取潮州韶州又西與馬殷爭容  
州管獲士正逐巨昭又取邕管降廣畧未  
服者交州而已

羊坊古金 卷四  
未帝正明三年丁丑秋八月劉巖據嶺南四十  
七州郡自稱尊號立宗廟署百官以廣州爲  
興王府分南海之地置咸寧常康二縣建玉  
堂珠殿

按五代史巖性聰悟而苛酷爲刀鋸支解  
剗剔之刑又好奢侈聚南海珍寶以爲玉  
堂珠殿自稱越帝

四年戊寅冬十一月劉巖改國號曰漢

六年庚辰春正月劉巖始立學校設選舉

按五代史放明經進士十餘人如唐故事

以南海人簡文會爲狀元

唐莊宗同光二年甲申劉巖更名陟次年又改名

龔至晉天福六年又改名龔

三年乙酉秋白龍見南宮

按南海縣誌南漢作南宮在今仙湖白蓮  
池前爲藥洲因白龍之兆故改名龔又改  
元白龍以應之

晉高祖天福七年壬寅四月劉龔卒子宏度嗣更  
名玠

秋七月循州盜張遇賢起劉玠遣其弟宏昌

宏杲帥師討之不克

冬十月丙子張遇賢陷循州殺刺史劉傳

出帝天福八年癸卯春三月劉玠弟宏熙篡立更名晟

冬十月劉晟指揮使萬景忻敗張遇賢於循

州後唐兵斬遇賢

周太祖廣順元年辛亥冬十月劉晟遣內侍潘崇徹帥師伐楚取彬州

按通鑑晟遣內侍省丞潘崇徹將軍謝貫將兵攻彬州唐邊鎬發兵救之崇徹敗唐

兵於宜章遂取彬州邊鎬請除全道二州刺史爲備

劉晟大建宮室

按五代史晟益得志遣巨艦指揮使暨彥贇以兵入海掠商人金帛作離宮遊獵故南漢時有南宮昭華甘泉玩華秀華玉清太微諸宮

十一月劉晟遣巨象指揮使內侍吳懷恩帥師取楚連州又取桂州盡有嶺南地

二年壬子夏五月南唐將張巒侯訓攻桂州

劉晟遣兵擊之南唐師敗績

冬十二月湖南將王逵攻彬州潘崇徹大敗之顯德五年戊子秋七月劉晟卒子繼興嗣更名鋹

宋太祖乾德二年甲子宋師伐劉鋹克彬州斬鋹將暨彥贇刺史陸光圖

按通鑑宋既克彬州得劉氏內侍徐延業宋主訪其國政延業具言其主作燒煮剝剔刀山劍樹之刑或令罪人鬪虎抵象又賦歛繁重邕民入城者人輸一錢瓊州斗

米稅四五錢置媚川都定其課令採珠以珠玕飭宮殿內官陳延受作諸淫巧日費數萬金宮城左右離宮數十遊幸常至月餘或旬日以豪民爲課戶供宴犒之費宋主驚駭曰吾當救此一方民時方謀下蜀未遑也

開寶元年戊辰秋九月廣州民見衆星皆北流

按文獻通考廣州民見衆星皆北流明年廣南平

三城下金 卷四  
三年庚午冬十月宋遣潘美尹崇珂帥師伐  
劉鋹鋹遣宦者龔澄樞等禦之宋師克賀州  
斬鋹將伍彥柔澄樞遁還冬十二月宋帥克  
連州鋹所署招討使盧收退保清遠

按通鑑美督戰艦聲言順流趨廣州鋹憂  
迫計無所出乃以潘崇徹爲都統領衆三  
萬屯賀江會美徑趨昭州崇徹但擁衆自  
保而已美乘勝克昭州進拔桂連二州鋹  
聞之謂左右曰昭桂連賀本屬湖南今北  
師取之足矣吾知不復南也

宋以曹光實爲嶺南都巡檢使

按宋史光實旣至捕逐羣盜海隅以寧

四年辛未春二月宋師攻廣州鋹將郭崇嶽  
戰死潘美帥師次於白田鋹出降廣南平

元師入粵

宋恭帝德祐二年丙子春正月進封吉王昞為益王判福州信王昺為廣王判泉州

按宋史時元師漸逼文天祥亟請二王鎮閩廣以圖興復全太后從之益王昞度宗長子恭宗昞兄也賈似道利少君故舍昞立熈廣王昺度宗少子

三月元師入臨安以帝北去

端宗景炎元年丙子夏五月益王昞即位於福州遣廣東制置使趙潛等出兵於嶺表堵禦



三城下錄 卷四  
元師以圖興復

郎恭宗德祐二年

六月元師入廣州摧鋒將黃俊死之

按崖山誌廣州經畧使徐直諒聞虜陷臨  
安江西湖南皆降遂遣梁雄飛赴元納欵  
會湖南遣廣人曾仕倬將校楊尹來諭直  
諒謂已通耗江西遣水軍統領唐淵往迎  
於韶元阿里海崖呂師夔黃世雄來徇廣  
州旣而直諒聞帝立乃沉仕倬尹於江遣  
權提刑郡人李性道領摧鋒將軍黃俊陳  
實水軍將謝賢拒世雄於石門性道艤舟

不戰俊迎戰敗績直諒遁遂陷廣州授性  
道實賢淵官黃俊拒不受死之

秋九月新會令曾逢龍東莞民熊飛復廣州  
制置使趙潛轉運趙淇安撫方興以兵來會  
李性道陳實謝賢伏誅

按崖山誌初梁雄飛爲黃世雄脅守潮惠  
趙潛討之不克世雄遣姚文虎追之熊飛  
陣斬文虎世雄度不能守拉梁雄飛走新  
會令曾逢龍亦率兵至性道迎謁祈哀逢  
龍與熊飛執而誅之遂復廣州後十日趙

潛趙淇方興等至索陳實謝賢告於黃俊而誅之唐淵逃

舟幸廣州次甲子門

冬十月新會令曾逢龍東莞民熊飛死節

按崖山新誌元呂師夔張榮實入梅嶺十月趙潛遣逢龍飛往南雄禦之續遣將校劉自立守韶州逢龍戰死飛退於韶師夔等至自立叛以城降飛巷戰敗赴水死張世傑陳宜中奉端宗登舟至福安時正軍十七萬民兵三十萬有奇淮兵一萬由東

港入海趨潮州

元師入英德十二月廣東制置使趙潛奔廣州遁郡人趙若岡與廣州忠勇軍陳勇以城降勇夜賫榜入城招諭營兵誅之

郡人龍圖閣待制張鎮孫都統凌震起兵興復以鎮孫爲廣東經畧使知廣州

按崖山誌鎮孫家居海上與都統凌震結集鄉兵分行伍東西二路誓圖恢復

二年丁丑夏四月廣東經畧使張鎮孫復廣

州

三城古金 卷四  
帝至廣州

按崖山誌元呂師夔梁雄飛以軍餉不繼退走時經畧使劉應龍導帝至廣州港口轉運使姚良臣作行宮迎帝入州治元兵守港口者拒之不果入

冬十月經畧使張鎮孫及塔出呂師夔戰於海珠寺鎮孫敗績被執元師復入廣州

三年戊寅春三月都統凌震轉運判官王道夫復廣州元呂師夔復退走以張鎮孫至大庾嶺死之帝舟還廣州以凌震爲制置使王

道夫轉運使

帝舟遷於碙洲夏四月崩衛王昺卽皇帝位皇太后楊氏仍同聽政黃龍見海中改元祥興升碙洲爲翔龍縣升廣州爲翔龍府以陸秀夫爲左丞相兼樞密使時播越海濱庶事踈畧楊太后垂簾與羣臣語猶自稱奴每朝會秀夫儼然正笏立如治朝或在行中淒然泣下衣袖盡濕左右悲慟同世傑秉政外籌軍旅內調工役凡有述作皆出其手雖急遽流離猶日書大學章句進講

羊城古錄 卷四  
冬十月元張宏範等襲翔龍府王道夫凌震  
遁

按崖山志文天祥上表乞入朝不許欲入  
廣州王道夫凌震始復廣州自恣憚天祥  
望重遣舟迎中道散回使當時迎天祥則  
李恒未必能襲嵯山尙有可倚之勢惜八  
朝不許入廣不得宋之諸人謀國如此安  
得不趨於亡乎

閏十一月元襲執少保信國公文天祥於五  
坡嶺督府分司鄒鳳陳龍復蕭明哲機宜劉  
子俊鈴轄蕭資義士張唐熊桂吳希奭陳子  
全俱死節

十二月王道夫復取廣州元人執之凌震繼  
至俱敗績

祥興二年己卯春正月帝在嵯山

春二月元張宏範襲嵯山左丞相陸秀夫抱  
帝赴海死之及翰林學士劉鼎孫兵部侍郎  
茅湘吏部侍郎趙樵樞密高桂權禮部尙書  
徐宗仁等死節

楊太后死節張世傑葬於嵯山海濱

三城古錄 卷四  
五月太傅張世傑舟次平章港舟覆宋亡

按嵯山志宏範由潮陽港入甲子門獲斥  
堠者知帝所在乃趨嵯山或謂世傑曰敵  
舟塞海口難進退盍先據之勝國之福不  
勝猶可西走世傑恐久在海上士卒離散  
乃曰頻年航海何時已乎當與決勝負遂  
焚行朝草市結大舟千餘貫以大索作一  
字陣四周起樓棚如城堞奉帝居中爲死  
守計宏範作長蛇陣來薄出騎兵斷樵汲  
路又合舟載茅茨沃以膏脂乘風縱火宋

艦皆塗泥縛長木拒之不能焚時世傑甥  
韓在元師中宏範三使韓招之世傑曰吾  
知降生且富貴但義不可移耳因歷數古  
忠臣答之宏範又令天祥爲書招之曰吾  
不能杆父母反教人叛父母乎固命之乃  
書過零丁洋詩末句云人生自古誰無死  
留取丹心照汗青宏範笑置之又使人語  
嵯山士民曰陳丞相已去文丞相已執汝  
復何爲亦無叛者但樵汲路絕茹乾飲鹹  
十餘日多嘔泄統制陳寶叛降世傑猶督

蘇劉義方興等旦夕大戰張達攻虜營而  
敗宏範以李恒守崕山北面乘潮而戰世  
傑却之恒退午潮元以樂作出戰宋師聞  
樂以爲且懈不設備元四分屯攻南北受  
敵兵士疲乏俄而舟檣旗仆翟國秀劉俊  
叛降世傑知事去乃抽精兵入中軍  
元兵進薄之會暮霧雨四塞咫尺不辨秀  
夫走帝舟舟大且諸舟環結度不能出走  
乃先驅妻子下海朝服奏曰國事至此陛  
下當爲國死不宜再辱遂俱投海中后宮

嬪御及從官劉鼎孫等多從死者越七日  
浮屍十餘萬元人求帝屍得詔書之寶世  
傑與蘇劉義斷維奪港去還收兵崕山劉  
自立追至碭州世傑敗績部將方遇龍葉  
秀榮章文秀等皆被執世傑復欲奉楊太  
后求趙氏後立之太后知帝崩撫膺大慟  
曰我忍死間關至此者正爲趙氏一塊肉  
耳今無望矣遂赴海死世傑葬於崖山倉  
卒莫辨其處復至平章港口遇颶風世傑  
然香祝天曰我爲趙氏亦至矣一君亡復

立一君又亡我未亡者庶幾敵兵退別立  
趙氏以存祀耳今若此豈天意耶若天不  
欲復存趙祀則大風覆舟舟遂覆世傑死  
焉宋亡

元世祖至元十九年壬午南海民李梓恢復兵起  
稱宋年號

按元史宋以己卯歲亡至是三年又按南  
海縣誌至元二十年癸未南海民歐南喜  
自稱宋將軍聚眾十萬殺居民陷城邑增  
城蔡大老鍾大老唐大老皆應之據平康  
下里東園村等處各稱王署丞相招討等  
官嶺海騷動元遣張玉將兵萬人會江西  
行省討平之

何真以廣州附明

何真字邦佐東莞人少英偉有才畧事母以孝稱元至正中任爲河源務副使時中原起兵嶺海騷動弃官歸十五年乙未邑民王成陳仲玉構難真請於行省舉義兵執仲玉以歸王成築砦自守乃使弟廸及驍將黃從簡等頓兵圍之募人能縛成者鈔十千成奴縛之以出真釋之引坐笑謂曰公奈何養虎自遺患乎成慚謝曰始以爲猫孰知其爲虎奴求賞真如約與之使人具湯鑊烹奴駕轉輪車數人推之令奴妻噓火號於衆曰四境有如



奴縛主者視此於是人服其賞罰有章居無何惠州叛將黃裳與王仲剛據惠貪虐不道民苦之迎真攝守至則逐裳戮仲剛遂兼領惠循二州行省上其功遷惠州路同知二十二年壬寅冬十月南海三山盜邵宗愚陷廣州殺侍御史八撤不花守將何琛死之真率衆復其城先是八撤不花以廉訪使久居廣東專恣自用詔以完者篤爲廉訪使而除八撤不花爲侍御史八撤不花不受命怒完者篤代已誣以罪殺之據廣州羣盜蜂起增城王可成曹叔安等據縣治真遣弟廸平之香山李祖

二新會黃斌湖廣陳淵廣西秦得用俱入寇賊衆甚盛而南海邵宗愚陷廣州據城縱火殺掠居民真集義保障人多歸之乃率衆攻復廣州宗愚走還三山真嚴號令禁屠掠廣人大悅擢廣東分省叅知政事進江西行中書省左叅弟廸以從征功擢宣尉使未幾改江西福建行中書左丞仍治廣州二十五年乙巳九月邵宗愚挾廉訪使廣寧等叛復圍廣州真拒戰乃退時城中糧盡民食蕉頭麻根至煮皮籠靴鞋食之無異志乃有部將馬丑寒與宗愚通據博羅真往平之宗愚乘間又陷城

三城石錄 卷四  
二十七年丁未五月真率惠州部曲至廣民皆響  
應復克之宗愚退走三山是時真保有廣南或陳  
符瑞爲尉佗計者峻拒之明太祖洪武元年戊申  
征南將軍廖永忠帥舟師取廣東至福州卽遣人  
諭真宣示威德及師航海至潮州真遣都事劉克  
佐詣軍門上印章籍部內戶口兵馬錢糧遣使奉  
表歸附永忠送其使及表詣京師帝賜詔褒之驛  
召赴京永忠至東莞真率屬出見永忠慰諭之仍  
榜招降諸寨邵宗愚餘孽悉平真乘傳入朝貢方  
物賜宴中書授真中奉大夫江西等處行中書省

叅知政事尋賜致仕封東莞伯食祿一千五百石  
予鐵券鈔萬貫甲第一區以其第六子宏爲尙寶  
司二十一年三月卒於京師年六十七上爲文祭  
之勅葬畿南八里岡北

通誌叅南海縣誌

何真少時有相者謂曰公才兼文武霸王之器惜  
生南方微帶火色爵位不過封侯後果如言旣顯  
貴先墓常有紫氣人或指爲符瑞輒斥絕之比事  
孝陵夙夜畏威惟謹在朝名公如宋濂方孝孺輩  
亟稱重之至論其保障炎邦識時知命則謂南越  
以來所未有云

黃蕭養攻廣州附曾一本 柘林叛兵 劉香

黃蕭養者南海冲鶴堡人也貌甚陋眇一目而有智坐強盜繫郡獄逾年所卧竹床忽青漸生葉同繫江西商人謂曰此祥瑞也因教以不軌使人藏斧橐中破鉗鉄越獄出凡十有九人商亦逸去隸卒追之揮斧行莫敢近其黨業艤舟以待遂入海正統十三年九月也嘯聚羣盜赴之者如歸市旬月至萬餘人十四年八月攻圍郡城官軍禦之輒敗城中饑死如柴製雲梯呂公車衝城幾為所破設偽官招誘愚氓漸至十餘萬都指揮王清自

高州率舟師赴援至廣州沙角尾水淺膠舟有小  
艇載薪及鹽魚奔迸若避賊狀問蕭養所在言未  
脫口伏兵出薪中盡殲其軍清被執賊素知清威  
望不敢害投水不死繫詩於衣寄還廣城中以死  
自誓詩云兩捧天書鎮百蠻偶因兵敗不生還飄  
零身世輕於葉磊落襟懷重似山半夜愁吟珠海  
寺幾回夢墮鬼門關憑君獨有衣相寄爲我招魂  
宇宙間亡何賊擁清至城下使諭降清罵不絕口  
遂遇害城中震恐三司登城望之刃矢森發相顧  
涕泣而已間道以聞詔遣都督董興總兵都指揮

同知姚麟副之兵部侍郎孟鑑僉都御史楊信民  
督其軍尋命信民巡撫廣東賊旣屢勝遂僭稱東  
陽王改元受僞官者百餘人據五羊驛爲行宮四  
出剽掠信民舊爲廣東叅議有惠政將至賊衆漸  
散民有走愬者官司疑其爲賊間繫之獄信民命  
出之卽與押印公據數萬散布四方約曰縱爲盜  
有此據者悉免罪願入城者聽之令旣下民爭趨  
城至輒泣下信民發粟賑之時持議者曰縱盜入  
城患生不測咎將誰歸信民曰吾獨當之一日蕭  
養率衆求見於城濠之南信民單車出止水次賊

日豈真吾楊父母耶信民下車揮左右岸冠幘示  
之賊衆羅拜景泰元年春興等進兵天文生馬軾  
隨行至江西夜半聞鷄興問之曰此何祥也對曰  
鷄不以時鳴由賞罰不明願公嚴軍令經清遠峽  
白魚入舟中軾曰武王伐紂有此逆賊授首之兆  
也蕭養聚船河南千餘勢張甚衆請益兵軾曰兵  
貴神速請兵緩不及事以所徵兩廣江西狼兵取  
勝猶拉朽耳從之三月五日夜有大星墜河南占  
曰四旬內破賊必矣四月十一日興率官軍至大  
洲頭與賊遇大破之信民使人持檄諭降蕭養曰

楊大人我父母也當徐思之賊獲巨魚以獻信民  
受而斬數十鬻賜各部賊出嘆曰兆不祥矣叛蕭  
養漸衆留者不滿千人會信民病卒鑑益招徠  
蕭養手下衣貌與同者數十人官莫能辨乃以響  
箭向天射蕭養仰視一箭直貫其喉墜水遂爲官  
軍所擒伏誅餘黨悉平詔鑑代信民巡撫於是廣  
州始作羅城今南面新城是也三年乃拆冲鶴大  
良諸堡爲縣名順德

通誌泰雙槐歲抄

世宗嘉靖四十三年甲子夏四月潮州柘林兵叛  
犯廣州提督侍郎吳桂芳討平之

三城百錄 卷四  
穆宗隆慶元年丁卯夏六月海寇曾一本攻廣州  
三年己巳夏四月總制劉燾討之一本伏誅  
曾一本海賊吳平之遺孽也平流劫惠潮福建  
總兵戚繼光禱其巢穴平間道乘小舟奔交趾  
師退一本復嘯聚海上騷擾數年乃平  
懷宗崇正七年甲戌春正月會剿海盜劉香  
劉香閩人聚衆入海天啟六年然劫粵之潮惠  
至是捨舟登岍會城戒嚴文武合勦斬獲甚衆  
次年總督熊文燦檄閩帥鄭芝龍誅之

李成棟平粵東

順治三年丙戌 大兵旣平閩我巡撫佟養甲總  
兵李成棟由閩趨惠潮下之潛師襲廣州先是八  
月唐王聿鍵被執於汀州其弟聿鏘十一月浮海  
至廣閩中舊相蘇觀生何吾騶與布政使顧元鏡  
侍郎王應華曾道唯奉王監國僭位於廣州改元  
紹武召海上鄭石馬徐四姓盜爲總兵時廣督丁  
魁楚等聞汀州覲變十月十四日已擁立桂王子  
永明王由榔於肇慶遣給事中彭燿主事陳嘉謨  
至廣州曉諭倫序監國先後燿至廣以諸王禮見

羊城古金 卷四  
備陳得失語甚切至因力抵觀生諸人觀生怒執  
燿殺於市嘉謨亦死之觀生遂率兵而西與永明  
王爲難當唐王聿鏐之未立也觀生遣職方主事  
陳邦彥自廣至肇八賀永明王而遽別立唐王聿  
鏐於唐州邦彥不知也夜召八對始知觀生賣已  
遽出不意王復以廣州爲問邦彥曰彼強我弱以  
戰則非計彼曲我直以和則非名北師已迫觀生  
若懼當求和於我如其不然粵東十郡我據其七  
而使其三代我受敵不亦可乎王大悅立擢邦彥  
兵科給事中齎勅還諭觀生抵廣州止近郊不入

移書觀生責以大義觀生不顧邦彥遂變姓名入  
高明山中已而永明王巡撫林佳鼎與廣州將陳  
際泰戰於三水際泰敗又與林察戰於海佳鼎故  
粵中監司與察同姓相善察因使四姓盜僞降迎  
佳鼎佳鼎信之舟至三山亂作全軍俱沒佳鼎赴  
水死肇慶大震而廣州失援至是成棟襲之用惠  
潮符印爲文書給廣州報平安故觀生不設備十  
五日成棟令前軍效廣軍裝束直抵城下是日觀  
生方隨聿鏐視學或報 大兵臨城觀生猶以爲  
海上盜也叱而斬之 大兵入東門觀生始倉卒

三城志 卷四  
召兵不能集城遂破聿鏘投繯死周益遼等二十四王皆及於難祭酒梁朝鐘自刎死太僕卿霍子衡與妾莫氏子應蘭應荃應芷子婦梁氏徐氏區氏同赴水死舉人樊于震梁萬爵廖翰標諸生郭景相樊良佐黎士奇李應春樊廷槐孫玉理玉球等俱死之時有梁濬者妾人也觀生每才之用爲吏科給事中至是觀生走問計濬曰死爾復何言觀生入西房濬入東房抗吭氣湧有聲觀生以爲濬死矣乃自縊明日濬獻觀生屍來降應華元鏡等俱來降二十三日成棟別遣兵徇南韶而親下

肇慶二十五日報至肇慶四年丁亥正月王奔梧州成棟入肇慶率兵趨梧州王走桂林大兵薄桂林垂破會給事中陳邦彥在高明聞桂林圍急乃謀起兵初贛州萬元吉之起義也遣族人萬年募兵於廣得余龍等千餘人未行而贛州失龍等無所歸聚甘竹灘爲盜他潰卒多附至二萬餘人邦彥乃說龍乘虛襲廣州而已發高明兵由海道入珠江與龍會且遺故廣信巡撫張家玉書曰桂林累卵但得牽制毋西潯平間可完葺是我致力於此而收功於彼也家玉以爲然時成棟在桂林



三城子金 卷四  
聞亂果還救而桂林之圍遂解 大兵東還揚言  
順道徑取甘竹灘龍卒素無紀律急顧其家輒退  
邦彥以兵微亦却歸旣乃遣門人馬應芳會龍軍  
取順德應芳敗赴水死龍再戰黃連江亦敗歿邦  
彥乃奔高明收餘衆徇下江門據之初廣州之圍  
我巡撫佟養甲獲降者知謀出邦彥襲其家獲妾  
何氏及子和尹虞尹厚遇之爲書招邦彥邦彥判  
書尾曰妾辱之子殺之身爲忠臣義不顧妻子養  
甲壯之仍善待其妾及子後郡紳李皇一杜璜起  
兵攻肇慶乃殺之璜等亦敗死八月東閣大學士

陳子壯起兵九江邨兵多蛋戶番鬼善戰九月邦  
彥密約子壯復攻廣州水陸並進且約原廣州衛  
指揮楊可觀楊景暉爲內應子壯先二日至城中  
不敢應又張檄者爲我所獲事以不果可觀景暉  
被殺懸首城上復殺鄉紳梁若衡生員黃昊元旻  
元及撫丁三千人時成棟攻張家玉於新安邦彥  
因與子壯謀曰成棟聞警必急還我伏兵禺珠洲  
側而公以大艦逼其西可以得志望青旂而朱旂  
者我軍也成棟還至禺珠洲側邦彥以火舟衝之  
焚其數十舟成棟敗且戰且却遂至城下會日暮

子壯不能辨旗幟疑以爲敵舟大至遂披靡不夾  
攻 大兵擊之遂潰子壯長子尙庸戰歿會故御  
史麥而炫破高明迎子壯子壯奔高明邦彥奔三  
水十月清遠指揮白常燦以城迎邦彥邦彥入清  
遠與諸生朱學熙嬰城固守邦彥自起兵日一食  
夜則坐而假寐與其下同勞苦故軍最强嘗分兵  
救諸營之敗者至是精銳盡喪外無援軍越數日  
城破常燦死邦彥率數十人巷戰肩受三刃不死  
走朱氏園見學熙縊邦彥拜哭之題詩三章於壁  
赴池水不死旋被執械至廣州饋之食不食繫獄  
五日不屈被戮未幾破家玉於龍門執子壯於高  
明粵地復定

平南靖南兩王復粵東

順治三年丙戌總兵李成棟平定粵東負功驕恣我總督佟養甲稍爲裁抑恒怏怏五年戊子春正月江西提督金聲桓叛奉永明王永歷年號遣書成棟共圖興復成棟遂叛詭言部兵索餉不得總將譚閩三月十七日黎明誘養甲出城撫輯養甲至衆兵呼譟擁之而去死之傳檄各屬復明時永明王在南寧成棟拜表迎王駐肇慶封成棟惠國公子元胤爲錦衣指揮使十月金聲桓攻贛州不下乞師粵東成棟援之戰不利退屯南康縣六年

羊城古錄 卷四  
已丑二月成棟敗於信豐騎而渡河馬蹶墮水死  
事聞以成棟部將杜永和爲兩廣總督駐廣州代  
成棟羅成耀守南雄十二月平南王尙可喜靖南  
王耿繼茂下廣東羅成耀遁南雄不守七年庚寅  
正月十四日下韶州王聞庾關失守奔梧州留馬  
吉翔李元胤守肇慶二月 大兵圍廣州調潯帥  
陳邦傳及忠貞營高必正赴援邦傳故與元胤有  
隙意在修怨又憾必正等之屢擾其境也陰令副  
將姚春登等連結土司會李來亨等調兵土司遂  
相仇殺必正怒而歸忠貞營者闖孽部下李赤心

餘黨屑錫所招撫者也時散處廣西賓橫間故邦  
傳惡其擾時李赤心已死故必正領其營邦傳駐  
清遠馬吉翔駐三水俱不敢進以城守久進杜永  
和爵爲侯元胤弟逢捷力戰有功封安肅伯廣州  
城三面臨水成棟在時復築兩翼附於城外爲砲  
臺水環其下 大兵攻圍十閱月不下永和偏將  
范承恩爲內應決砲臺之水 大軍藉薪竟渡遂  
得砲臺十二月二日城破永和由海道奔瓊州兩  
王以城久不下屠之死者七十萬人民居遂空兩  
王兵因盡入居住號爲老城文職各衙門俱於新

羊城古錄 卷四  
城權設戊子巳丑庚寅三年粵東尙奉明永歷年  
號至是始稟正朔於萬斯年矣

兩海賊

周玉李榮皆番禺蛋民以捕魚爲業所轄繪船數  
百其上可以設樓櫓列兵械三帆八棹衝濤若飛  
平藩尙可喜以其能習水戰委以遊擊之任遇警  
輒調遣防護水鄉賴以安輯自康熙壬寅奉有海  
禁之

旨於是盡掣其船分泊港汊遷其孥屬於城內玉  
等鷓獮之性不堪籠繫詐稱歸葬請於平藩可喜  
許之卽日携家出海糾合亡命聲勢大張癸卯十  
一月連檣集艦直抵州前盡焚汛哨廬舍火光燭

羊城古鈔 卷四 五  
天獨於民居一無騷擾復破順德執縣令王盾而  
去可喜聞變亟發舟師剿捕獲賊首周玉餘黨解  
散出王縣令於賊舟釋其縛令得不死是時尚藩  
與督撫兩院俱諱其事王僅罷職而已 觚賸

王師剿滅諸盜

粵東自明季崇正十四五年間羣盜蜂起終明之  
世未能撲滅延及我朝尙煩天討順治六年  
己丑春二月總兵官閔可義敗黃海如於雷州平  
岡坡海如竄入海颶風起舟覆死焉

夏六月惠州巨盜羅英敗死英本普寧十三寨老  
鴉地賊也自明季屢寇普揭順治四年秋七月圍  
惠來縣五年夏六月陷靖海所六年春二月破荆  
隴寨流劫甚慘至是舟圍惠來邑人高廷煥高亮  
福等設伏北山祿昌等處得英嚮之以八百人殲

賊數萬聞者快焉

順治十年癸巳秋閏八月靖南王耿繼茂會將軍哈哈木五及總兵官吳六奇劉伯祿等率師平潮州諸寇先是九軍賊劉公顯神總賊李班三等分踞潮陽揭陽等縣隨剿隨熾勾連閩寇鄭鴻達鄭成功陳豹等艨艟數百蹂躪不息叛鎮郝尙久僭稱新泰侯據城攻邑海寇蘇利乘機騷擾沿海諸郡震動至是大發兵討之寇始退次年秋八月閩寇陳豹等復擁賊七八萬船千餘艘突入揭陽城九月平藩遣左翼鎮許爾顯靖藩遣右翼鎮徐成

功并督標哈喇翼聶隱舉總兵劉伯祿吳六奇等

分剿

至十三年春大敗之寇始遁諸盜亦漸撲滅因填塞揭陽釣鰲橋

順治十一年甲午春三月西寇李定國破雷州廉州高州進圍新會縣我師擊走之李定國張獻忠之餘孽也受明永明王招降自是由粵西柳州入高州道經雷廉縱兵屠戮平藩標下副將陳武叅將李之珍高州守將張月督兵至石城青頭營與戰失利之珍趨電白月還高州欲挽武共降武不從乃私先納欵武未之知也及定國至高州月遂賣武以降李定國入高州改舊府署僭營王殿重

徵疊派每米壹石納屏履及鉛鐵等物民甚苦之  
遣兵圍新會兩次不下冬十月定國親至督戰號  
兵二十萬重圍密布砲聲不絕知縣黃之正募死  
士何廷賓潛行水中蠟書請援大軍未卽至定國  
晝夜急攻爲地道攻城發如震雷西山城陷奮拒  
却之士民爭輦石完城十一月攻愈急大礮擊  
城壞十餘丈卒不得入乃伐木填濠令木與城齊  
履之而登城中以膏沃薪縱火焚之惟葵樹不壞  
定國遂多伐葵樹城中乃鑿塹出民彼從外投此  
從內運定國頓兵堅城二月計無所出會謀者言

城中糧盡定國遂罷攻築長圍爲持久計於是圍  
城之中絕食食鼠雀繼食浮萍草履繼畧人而食  
之縣官大慟守陴者皆哭是月十八日將軍朱馬  
喇統領滿漢兵協同平靖兩藩戰於河頭用火箭  
破其象陣定國大敗遯去結筏而渡回廣西

十三年丙申春正月高州總兵官栗養志勦高雷  
廉三郡山賊斬其渠魁彭兆龍曹王陳選等三郡  
平

十五年戊戌夏總兵官張偉征海寇鄧耀敗之至  
十七年庚子秋九月海北道方國棟總兵官張偉



擒龍門海賊鄧耀誅之是年靖南王耿繼茂移鎮福建十八年閩寇鄭錦猖獗因 詔遷沿海居民

令徙內地五十里賑貧民之不能遷者

至康熙七年巡撫王

來任遺疏請展復遷民海界至八年 詔復遷海居民舊業民有寧宇遷民德而祀之

康熙十二年癸丑八月平南王尚可喜疏請歸耕

許之冬十二月 朝廷詔其北歸次年春正月因

西逆吳三桂反仍留鎮廣東尚可喜世子之信殘

暴淫酷可喜奏廢之以次子之孝為世子而之信

怨望益深始蓄異志矣

三月韶州副總兵官張星耀叛以城降滇逆吳三

桂偽授將軍縱兵大掠征稅倍輸產十金以上皆

破會副都統蟒吉圖自肇慶突圍北走以羸師五

百破之星耀走江西

潮州總兵官劉進忠叛進忠號劉猴子正月聞滇

逆吳三桂叛二月聞閩逆耿精忠又叛遂蓄異志

遣其黨楊希震潛抵福州納款獻潮十一邑偽授

寧粵將軍徧召所轄十三營及招山寇萬餘人會

於韓江續順公沈瑞素與進忠有隙一軍皆震相

持月餘居民奔竄進忠復遣希震入閩請援遂引

偽將劉炎兵至瑞惶懼進忠索于國璉李成功張

善繼白虎何亮等殺之皆謀誅進忠者遂逐瑞全  
旗出城秋七月將軍尙之孝都督聶色提督嚴自  
明固山王國棟帥師進討劉進忠是時臺灣逆鄭  
經航海入閩陷漳泉二郡閩粵路梗進忠再乞師  
於鄭鄭遣僞將吳某陳某及金統來援九月巡撫  
劉秉權帥師討新會賊李山官七平之乘勝討劉  
進忠敗之斬賊將金統亡何秉權十月卒於軍之  
孝見賊勢未衰拔營走普寧沈瑞亦退保饒平進  
忠圍之城申食絕遂入執瑞送於鄭經十四年乙  
卯夏五月平藩徵高州總兵官祖澤清協剿進忠

澤清心憚進忠遂據高州叛十五年二月劉進忠  
陷惠州進忠躡尙之孝於惠惠堅拒不下後以絕  
援失守將軍提督固山俱回廣州進忠遣其黨劉  
國軒羅緯守城身回潮州入閩謁經經不禮焉遂  
逃歸是月尙之信叛附吳三桂吳逆令僞將馬雄  
等攻新會以入廣州平藩遣標員趙天元謝厥扶  
等以舟師禦之天元厥扶陰自納欵之信以被廢  
不得志遂矯父命與賊連和自稱招討大將軍移  
檄郡縣馬雄駐兵肇慶遣部將分屯衝要天元標  
員黃有功大掠番禺厥扶使其子昌殺之天元訴

三城古錄 卷四  
於馬雄與厥扶治兵相攻之信助厥扶餉由是雄  
與之信有隙不敢遽入廣州時嶺西爲馬雄所躡  
嶺東爲劉進忠所訐韶州爲張星耀所掠廣府尙  
逆負嶠恃我 國家深仁厚澤融結周徧寇氛四  
熾人心不爲動搖旋卽恢復也冬尙可喜卒十六  
年丁巳春三月劉進忠聞 大兵已復閩進忠遂  
請降於康親王授以征逆將軍惠潮返正之信亦  
同時歸誠

朝廷念其舊功仍襲平南王職

夏四月祖澤清殺賊謝厥扶續罪効順許之

秋七月滇逆遣僞將胡國柱馬寶等寇韶州鎮南  
大將軍蟒吉圖都統穆成格帥師擊走之三桂之  
遣僞將入寇也以張星耀爲鄉導兵數萬糗糧攻  
具甚備志在必破將軍蟒吉圖自省馳至韶人心  
始安吉圖視北城衝要厚築土墻遣一軍駐白土  
村以衛廣州饜道又飛檄江寧將軍額楚赴援部  
署畧定賊晝夜急攻推雲梯數十慢以牛革每梯  
容百人幸韶城覆瓦賊跳不得入或毀瓦輒以長  
矛刺之軍糧復從廣州運至吉圖夜縋民出城浚  
濠通江爲固衆志益堅賊計窮踞筆峯山俯瞰城

三城子金 卷四  
中發礮碎城火丸雨下屋瓦皆震女牆墮壞守陴者無容足處而新築土墻頗堅兵皆退保成格又命聯竹急護之計自七月至九月攻之不克賊慮援兵四集乘夜渡江東襲蓮花嶺以遏援兵會將軍額楚將萬人北來與賊遇大戰吉圖將兵自城內出夾擊之總督標兵亦至橫衝其鋒遂大破賊山爲之赤賊潰還大營渡江爭舟墮水死者數千江水不流曲江之魚數月不可食十月賊盡遁十七年戊午冬十二月 賜尙之信奮武大將軍印進征廣西十九年庚申之信進征廣西軍行不

戢聞

命繳印寶回廣州聽鞠未幾其弟之瑛等誘殺都統王國棟等事聞之瑛等一百二十人皆伏誅之信自裁尋遷其家口於海州時祖澤清劉進忠亦皆伏誅而海寇葉紅旗謝昌等尋亦剿滅至於蕩平萬世永賴云



